

**SYARAT-SYARAT LESEN ALAT MENANGKAP IKAN
KAPAL PUKAT LINGKONG ZON 3**

1. Lesen ini adalah untuk kapal pukat lingkong yang dipunyai oleh dan tidak boleh digunakan untuk kapal lain atau pun ditukar milik.
2. Alat-alat penangkapan ikan yang digunakan hanyalah yang tertulis didalam lesen untuk kapal itu sahaja iaitu pukat lingkong.
3. Pengusaha atau pemilik kapal lingkong adalah tidak dibenarkan menukar atau mengganti enjin atau badan kapal berkenaan sebelum mendapat kebenaran bertulis daripada Pengarah Perikanan.
4. Kapal mestilah dilengkapi dengan alat perhubungan elektronik iaitu radio VHF, echosounder dan radar mestilah sentiasa dalam keadaan yang baik dan boleh digunakan.
5. Kapal pukat lingkong zon 3 hendaklah berat kapal antara 60.1 GT hingga 150 GT serta mempunyai kuasa enjin (hp) yang tidak boleh kurang daripada 351 kuasakuda dan tidak melebihi daripada 600 kuasakuda.
6. Bilik pandu bahagian luar dan atap mestilah dicat dengan "warna marine blue 385 jenis cat kangaroo" atau yang sebanding dengannya bagi kapal pukat lingkong yang dibenarkan untuk beroperasi di zon 3. Di sebelah tepi bahagian hadapan dan di tepi kiri dan kanan bilik pandu serta atap bilik pandu ditulis nombor kawasan zon sais tinggi huruf 60 cm, lebar huruf 20 cm dan tebal huruf 10 cm warna putih.
7. Nakhoda yang membawa kapal mestilah :-
 - 7.1 Mempunyai Sijil Memandu Nakhoda Kapal iaitu; Sijil Kecekapan Memandu Kelas 9 yang dikeluarkan oleh Pihak Berkuasa Maritim dan Pelabuhan Kementerian Perhubungan Negara Brunei Darussalam atau yang sebanding dengannya yang diakui oleh Pihak Berkuasa Maritim dan Pelabuhan Kementerian Perhubungan Negara Brunei Darussalam.
 - 7.2 Mestilah boleh berbahasa Melayu atau Inggeris.
8. Tidak boleh menangkap ikan di kawasan-kawasan lingkungan 20 batu nautika dari daratan dan sejauh 1 batu nautika dari paip-paip dan struktur-struktur minyak dan gas.
9. Peta-peta perikanan dan peta-peta lain yang berkenaan mestilah sentiasa ada dibawa di atas kapal.

10. Kapal mestilah bertambat dan menjalankan perusahaan dari Kompleks Pendaratan Ikan Muara atau Pusat Perikanan Belait dan mendaratkan semua hasil-hasil tangkapan di Kompleks tersebut iaitu disatu tempat yang telah ditetapkan oleh Pengarah Perikanan.
11. Mematuhi Perintah Perikanan, 2009 dan Peraturan-Peraturan Negara Brunei Darussalam yang ada.
12. Pemegang lesen mestilah mematuhi "**Manual Of Brunei Darussalam On Hygiene Requirement (s) For Fishing Vessels and Landing Sites**".
13. Sais mata pukat (mesh size) tidaklah boleh kurang (kecil) dari 30 mm apabila ditarik (stretched) dan panjang pukat tidak boleh melebihi 600 meter.
14. Nakhoda kapal mestilah mengisi buku catatan penangkapan ikan yang disediakan oleh Jabatan Perikanan, Kementerian Sumber-Sumber Utama dan Pelancongan bagi setiap tangkapan. Buku tersebut boleh diperolehi di Kompleks Pendaratan Ikan Perikanan Muara dan mestilah dikembalikan ke tempat tersebut pada tiap-tiap penghujung bulan, seterusnya untuk mengambil buku yang baharu untuk kegunaan bulan yang berikutnya.
15. Pegawai-pegawai Jabatan Perikanan Yang Diberikuasa mestilah dibenarkan untuk menaiki atau memeriksa kapal pada bila-bila masa.
16. Nakhoda kapal dan anak-anak kapal mestilah memberikan maklumat-maklumat setiap kali ianya dipinta oleh Pegawai-Pegawai Jabatan Perikanan Yang Diberikuasa.
17. Pengarah Perikanan berhak membatalkan lesen yang sudah dikeluarkan jika didapati kapal berkenaan tidak beroperasi selama 3 bulan berterusan.
18. Peruntukan kebenaran lesen bagi mengusahakan kapal lingkong Syarikat ini akan ditarik balik jika tidak beroperasi atau tidak dilesenkan dalam tempoh 6 bulan.
19. Pemilik kapal mestilah memindahkan kapal tersebut daripada kawasan Kompleks Pendaratan Ikan Muara atau Pusat Perikanan Belait jika peruntukan kebenaran lesen bagi mengusahakan kapal lingkong berkenaan ditarik balik.

20. Kapal yang berdaftar dan berlesen alat perikanan di Negara ini tidak boleh memiliki lesen alat perikanan di negara-negara lain. Jika didapati, lesen alat perikanan yang dikeluarkan oleh Jabatan Perikanan, Kementerian Sumber-Sumber Utama dan Pelancongan akan dibatalkan.
21. Lesen bagi peralatan menangkap ikan ini tidak boleh digunakan untuk menangkap apa jua jenis spesis ikan Yu. Sekiranya tertangkap, semasa melakukan operasi penangkapan ikan, ia mestilah dilepaskan semula dengan serta merta.
22. Pengarah Perikanan berhak dan boleh menambah atau mengubah syarat-syarat ini mengikut keperluan dari masa kesemasa.

Saya dengan ini adalah bersetuju dengan syarat-syarat yang tersebut di atas.

Nama : _____

Jawatan : _____

Syarikat : _____

No kad pengenalan : _____

Tandatangan : _____

Tarikh : _____

Bilangan lesen : _____

Bilangan plit lesen : _____

Diluluskan oleh Pegawai Yang Diberikuasa :

Nama : _____

Jawatan : _____

Tandatangan : _____

Tarikh : _____

